

圖
註
難
經
上卷
四三



圖註八十一難經辨真卷之三

盧國 秦越人 述

四明 張世賢 註

三十七難

三十七難曰。五藏之氣。於何發起。通於何許。可曉以
不然。五藏者。當上關於九竅也。故肺氣通於鼻。鼻和
則知香臭矣。肝氣通於目。目和則知黑白矣。脾氣通
於口。口和則知穀味矣。心氣通於舌。舌和則知五味
矣。腎氣通於耳。耳和則知五音矣。三焦之氣。通於喉

喉和則聲鳴矣

未二句乃潔古所加

五臟在下。九竅在上。故曰上開九竅。上者身之上也。九竅之解。諸家皆云陽竅七。陰竅二。次內為下。次外為上。謂之上開九竅。獨潔古云耳二。目二。口二。舌一。喉一。共九竅也。諸家之說皆以舌不為竅。固為得理。殊不知越人之言。自肝氣通於目。至腎氣通於耳。正言五臟上開九竅也。若以陽竅七。陰竅二為是。本文心氣通於舌。舌和則知五味。二句無着落矣。若數舌為一竅。共得十竅。十八九數。不若潔古之言尤為得理。又况不遺本文上開九竅上字。抑且親切。愚故依潔古之註。而辨諸家之失。五味。辛甘酸苦鹹也。五音。宮商角徵羽也。

五藏不和。則九竅不通。六府不和。則留結為聚。

不和者邪居之也。肺氣不和。則鼻不知香臭。肝氣不和。則目不知白黑。脾氣不和。則口不知穀味。心

氣不和。則舌不知五味。腎氣不和。則耳不知五音。
三焦不和。則喉不利。六腑爲陽。而主氣。不和。則
氣不流通。停留結聚。而爲癰腫矣。

邪在六府。則陽脉不和。陽脉不和。則氣留之。氣留之。
則陽脉盛矣。邪在五藏。則陰脉不和。陰脉不和。則血
留之。血留之。則陰脉盛矣。陰氣太盛。則陽氣不得相
榮。故曰格。陽太盛。則陰氣不得相榮也。故曰閉。陰陽
俱盛。不得相榮也。故曰閉格。閉格不得盡其命而死
矣。

六腑屬陽。肌肉上爲陽脉。邪氣遊于六腑。則肌肉
上之脉不和。陽爲氣而主外。肌肉上脉不和。則邪



氣停留于皮膚而不散。邪氣停留。陽脉于是而偏盛矣。五臟屬陰。肌肉下為陰脉。邪氣在五臟。則肌肉下脉不和。陰為血。血主內。肌肉下脉不和。則邪停留于肉理。血邪一留。陰脉于是而偏盛矣。陰拒也。內格。則外脉不得入。所以偏陰獨盛。則陽氣不得榮。故曰格陽。閉也。外閤。則內脉不得出。所以偏陽獨盛。則陰氣不得榮。故曰閉陰。陰內陽外。二者俱盛。榮衛否塞。氣血不得相濟。是為閉格。夫人之所以生者。氣血榮運也。氣血既不榮運。是以不得盡其命而死也。

經言氣獨行於五藏。不榮於六府者。何也。然夫氣之

行如水之流。不得息也。故陰脉榮於五藏。陽脉榮於


六府。如環無端。莫不其紀。終而復始。而不覆溢。人氣

內溫於藏。府外濡於腠理。

夫當作人。

氣之運行者如水之流不舍晝夜故三陰之脉榮
于五臟三陽之脉榮于六腑氣血之行陰而陽
而陰如環之無端莫知其盡紀終于肝始于脾
終而又復始復者諸陰不足陽入乘之也又
亦謂之覆溢者諸陽不足陰出乘之也又上
謂之溢陰陽各安其常則脉無覆溢之患既
溢人身之氣內則臟腑溫和外則
腠理潤澤腠理者毛孔文路也

三十七難五藏上關九竅圖



九竅者
 舌一。口
 鼻一。耳
 一。是也。三焦
 雖不係五藏
 之列。其原起
 於腎間。而出
 人五藏者也



三十八難

三十八難曰。藏唯有五府。獨有六者。何也。然所以有六者。謂三焦也。有原氣之別焉。主持諸氣有名而無形。其經屬手少陽。此外府也。故言府有六焉。

三焦合氣于腎。腎為原氣之正。三焦為原氣之別。三焦主持一身之氣。無狀而空。有上中下之名。其經屬手少陽。具腑不同。各腑之在內而獨在下也。氣衝之分腑也。者內焉。五外焉。所以言腑有六也。

十三難入藏五府六圖



三十九難

三十九難曰。經言府有五。藏有六者。何也。然六府者。止有五府也。然五藏亦有六藏者。謂腎有兩藏也。其左爲腎。右爲命門。命門者。謂精神之所舍也。男子以藏精。女子以繫胞。其氣與腎通。故言藏有六也。府有六者。何也。然五藏各一府。三焦亦是一府。然不屬於五藏。故言府有五焉。

腑五者。膽。胃。大腸。小腸。膀胱也。藏六者。肝。心。脾。肺。腎。命門也。命門之氣。與腎相通。因且相連。其腑故同膀胱也。三焦亦是一腑。配合包絡。不與五臟相關。三焦非正腑。所以言腑有五也。



三十九難五臟六腑圖



四十難


四十難曰。經言肝主色。心主臭。脾主味。肺主聲。腎主液。鼻者肺之候。而反知香臭。耳者腎之候。而反聞聲。其意何也。然肺者西方金也。金生於巳。巳者南方火者。心。心主臭。故令鼻知香臭。腎者北方水也。水生於申。申者西方金。金者肺。肺主聲。故令耳聞聲。

一。木也。木之華萼敷布五色。故肝主色。心。火也。火之化物。五臭出焉。故心主臭。脾。土也。味自土生。故脾主味。肺。金也。聲出於金。故肺主聲。腎主水。故腎主液。肺主聲。鼻屬於肺。不能聽聲。而反知香臭。腎主液。耳屬於腎。不為液。而反能聞聲。果何如耶。蓋由肺屬西方金。金長生在巳。南方巳



午。未巳正火臨官之地。火在臟爲心。心主臭。鼻能聞聲。肺金生于心火之位。故今鼻知香臭。腎屬水。水長生在申。西方申正金臨官之位。故今耳雖屬腎。腎水主於肺。肺主聲。耳能聞聲。

十四難發明耳聞鼻臭圖



此圖言五行在旋而屬臟者也陰則以培胎之位為受氣之位而右旋也土則寄主四季於辰戌丑未之月各王十八日萬物所知所能皆在長生之時不在臨官帝王之位

四十一難

四十一難曰。肝獨有兩葉。以何應也。然肝者。東方木也。木者。春也。萬物之始生。其尚幼小。意無所親。陰尚近。離太陽不遠。猶有兩心。故今有兩葉。亦應木葉也。

水為木父。上為木母。發生于春。當春之時。根萌芽。甲。萌動之始。其形尚幼小。而夫大。初生獨立。其意無別物所親。水土以資其生。所親者。惟二物而已。自彼至此。謂之離。自此至彼。謂之去。太陽。脾上也。太陽。膀胱水也。肝之位。居于右。在脾之下。而在膀胱之上。脾尤近肝。故曰尚近。水土異處。所以猶有兩心。因其兩心。故有兩葉。亦應木之生也。肝凡七葉。今云兩葉者。左三葉為一葉。右四葉為一葉也。



圖葉兩有肝難一十四



四十二難

四十二難曰。人腸腎長短。受水穀多少。各幾何。然胃大一尺五寸。徑長二尺六寸。橫屈受水穀三斗五升。其中常留穀二斗。水一斗五升。小腸大二寸半。徑八分。分之少半。長三丈二尺。受穀二十四升。水六升三合。合之大半。迴腸大四寸。徑一寸半。長二丈一尺。受穀一斗。水七升半。廣腸大八寸。徑二寸半。長二尺八寸。受穀九升三合八分。合之一。故腸胃凡長五丈八尺四寸。合受水穀八斗七升六合八分。合之一。此腸